

西南史地文獻

第二十三卷

中國西南文獻叢書



中國西南文獻叢書・第三輯

西南史地文獻

第二十三卷




本卷目錄

滇牘偶存	〔清〕何紹祺撰	一
雲貴督院李制軍電奏稿	〔清〕李經義撰	三一
景紋駐藏奏稿	吳豐培輯	三二五

【清】何紹祺 撰

滇牘偶存



《滇牘偶存》，清何紹祺撰。紹祺字勛潛，道州人。本書據清道光木刻本影印，原書尺寸二十一乘十三厘米，版框尺寸十四點八乘十一點三厘米。



公牘耳、何足存、存其迹也。嘉慶丙寅冬、余甫六齡、隨先文安公入都、習舉業、不更外事。年四十

先公見背、四十四出爲滇令、長官皆當代名賢、民俗亦厚、兢兢焉以敬上惠民爲心。始知令實親民、而能親不易、兩載餘愧此官矣。因仲兄子毅先逝、伯兄子貞偕弟子愚侍

母在京、清俸無多、相去甚遠。改官江蘇同知。四十七歲到蘇、入都兩次。在滇官民情況、猶時縈懷抱間。今又將押運北上、因檢篋中舊稿、十存二三、以志宦轍。世事皆鴻泥雪爪、何論官場。然正惟視同傳舍、愈不忍稍愛心

滇牘偶存

力尚不知造孽幾許。況急急耶。此稿付我子孫作吏。當知恤民難。隱處當知作吏難。庶不敢自墮家聲。輕談時事。而讀書明理。尤爲當務之急。此皆我兄弟少壯時所聞。

庭訓語也。嗣子慶治、姪慶涵、慶澄、及姪孫鍾曾等、其敬聽毋忽。

道光己酉前四月二十三日易潛居士何紹祺自識於青浦舟中

余識何氏昆弟將廿年皆嗣家學以名世叔子相見時
尤多其行樸其文贍其事勤其治官政也如治家政故
敬上恤民而頌聲作近歲自滇來吳存牘無幾爰摘錄
以劭其家余勸付剞劂而膺校事叔子生平見一班矣
文安公之澤其遠矣哉敢書數語弁其首

子香洪金桂謹識

滇牘偶存

平番縣金封墓

文安公之墓其墓穴諸尊皆在墓首

四世其家金封墓則其墓首亦平一而完

婦上解月而此墓首亦與自前來其有別異又此

人等其首亦其金封其墓首亦與自前來其有別異又此

金封其首亦其金封其墓首亦與自前來其有別異又此

目錄

請減象貢浮費稟

免貢馴象論

裁緯夫稟

少發急遞稟

祈雨文

緝捕章程議

區別齋匪稟

鹽井情形稟

速查淹禁稟

禁化牛叢論

定遠案稟

錢法相權論

擬免貢象奏

初次回務

二次回務

稟啟雜件

示諭雜件

批詞摘附

道州何紹祺自助潛偶存

歙縣洪金桂子香校刊

上吳撫憲請減象貢浮費稟

稟爲象差貢差擬請少派委員減帶貨物以恤吏民事。卑職來滇入黔省界探聞滇省此次貢差象差情形例貢無多私貨甚重沿途既已漏稅又復多索夫馬稍有遲誤卽加鞭笞至於象差行抵貴陽以東每站費至五六百金不等去滇愈遠作惡益劇押送官甚難彈壓因之蠻官蠻奴肆行無忌龍里一帶除供給酒食公館夫馬外每日象須洗腳費四十金其實費到免洗大約至山西直隸始稍斂戢。卑職赴任廣通細加訪察客秋此差大爲官民之累彼時委員不過兩文一武廣通又著

名瘠區然。而每站用夫至四百餘名。委員尙屬安靜。蠻官已漸猖狂。酒席必須海味。而實不知食。據地妄烹。鋪墊污損。且蠻人大官二官。各帶有廚子數人。予馬則索。轎予轎則索。馬又有邊地漢人蓄髮冒充蠻使。導引需索。辦差者求伊出境。多費不辭。及至用度無資。不得不藉資民力。遂成控案。前署令林家人有被蠻奴用五尺打傷腰臂者。鞭傷面目者。亦不獨一縣爲然。將去又復聲言失去金碗銀碗銀杯銀箸等事。強者聽之。懦者賄之。其實辦差物件。佳者輒行藏匿。廣通一縣二十年象價象差。公館鋪墊八百九十兩零。尙未攤完。客秋又添

二百九十餘金賠款請攤。一差如此。他差可知。一縣如此。他縣可知。竊見大人由楚赴滇。自備資斧。制軍去歲駐節保山。不准供給。何等體恤。何等感戴。此項南蠻貢物。准其呈進。原係

聖主懷柔遠人之意。而中原民庶孰非赤子。似此蹂躪其大官。未必盡知。已往雖究何益。將來預防宜早。本年回差。自必輕減。然而京貨沿途售賣。迤西前路銷處。尙多。未必十分輕減也。卑職愚見擬請少派委員護送。卽文員一人。已不爲少。祇須嚴飭過境文武。多派兵役。親帶護送。責成旣專。誰敢泄玩。所帶貨物。量子限制。扛擋

實用若干。夫馬實用若干。倘有私帶多人多貨。准地方官查明扣稟。漢人從中需索者。准予薄懲。卽該管道府亦不宐多派差探先行擾累。卑職此時饔飧不繼。斷無餘力。應此浮費。然豈有誤差之理。若蒙憲諭諄飭委員就查貨物。卑職藉可核實辦理。不致僞差假冒民累。相輕細使無辭。必知感畏。伏惟大人酌核施行。謹此恭請 鈞安。卑職紹祺 謹稟。

此稟蒙 撫憲吳淪齋先生獎許。照辦回差沿途費減至廣通。尤爲安靜。歡喜同寅。遂謂余善辦大差。殊用自愧。自記。

免貢馴象論

竊聞盛世之臣伏四夷也。貴禮不貴物。四夷之誠服華夏也。以實不以文。繫古以來。文德武功。合符天地。罔有內外。悉主悉臣。蓋未有如我

朝之盛者也。然仰惟

聖主勤恤民隱之懷。於貢象猶思減焉。今之貢方物者。高麗密邇京師。每歲一貢。琉球暹羅交趾諸國。數歲一貢。緬甸初抗王師。逮乾隆五十三年。金川平。暹羅封。亦遂懷德畏威。每十年而一貢。至於今未改。所貢方物。金葉象牙諸事。隨時增減。而馴象有常數焉。每貢如例。

朝廷儀衛甚設。有日月雲龍之章。千品萬官侍從森列。何以象爲直。以俯受臣妾。不忍遐棄耳。且其事匪今始也。故莫之或減。余竊見近年以來。緬臣恃國恩之厚也。始以得供帳爲榮。浸以索供帳爲智。每過一驛。夫不下千名。馬輒數百匹。予以轎。則索馬。予以馬。則索轎。夫馬旣足。雜費先之。雜費旣足。酒食繼之。稍不如意。鞭笞隨下。官吏聞貢而惕息。小民望貢而怨咨。其累已數倍於昔。又益之以馴象所宿之區。不給費。則縱之荒山。報令收捉。民間旣備象椿象料。又須椿費。否則謂有足疾。須燈草灰數十觔。及另設濯足之處。有不從